

古文辭類纂

辭賦類一

古文辭類纂六十一

淳于髡說齊威王。

威王八年楚大發兵加齊齊王使淳于髡之趙請救兵齋金百斤車馬十駟淳于髡仰天大笑冠纓索絕王曰先生少之乎髡曰何敢王曰笑豈有說乎髡曰今者臣從東方來見道旁有禳田者操一豚蹄酒一盃祝曰甌窶滿篝汙邪滿車五穀蕃孰穰穰滿家臣見其所持者狹而所欲者奢故笑之於是齊威王乃益齋黃金千鎰白璧十雙車馬百駟髡辭而行至趙趙王與之精兵十萬革車千乘楚聞之夜引兵而去威王大說置酒後宮召髡賜之酒問曰先生能飲幾何而醉髡對曰臣飲一斗亦醉一石亦醉威王曰先生飲一斗而醉惡能飲一石哉其說可得聞乎髡曰賜酒大王之前執法在旁御史在後髡恐懼俯伏而飲不

過一斗徑醉矣。若親有嚴客，髡髻希韞鞬，脆侍酒於前。時賜餘瀝奉觴，上壽數起，飲不過二斗徑醉矣。若朋友交游，久不相見，卒然相覩，歡然道故，私情相語，飲可五六斗徑醉矣。若乃州閭之會，男女雜坐，行酒稽留，六博投壺，相引爲曹，握手無罰，日昃不禁。前有墜珥，後有遺簪，髡髻竊樂，此飲可入斗而醉。二參日莫，酒闌合尊，促坐男女，同席履舄，交錯杯盤，狼籍堂上，滅燭，主人留髡而送客。羅襦襟解，微聞薝蔔澤，當此之時，髡心最歡，能飲一石。故曰：酒極則亂，樂極則悲。萬事盡然，言不可極，極之而衰，以諷諫焉。齊王曰：善。乃罷長夜之飲，以髡爲諸侯主客。宗室置酒，髡嘗在側。

屈原離騷。

帝高陽之苗裔兮，朕皇考曰伯庸。攝提貞於孟陬兮，惟庚寅吾以降。皇覽揆余於初度兮，肇錫余以嘉名。名余曰正

則兮字余曰靈均紛吾既有此內美兮又重之以修能扈  
江離與辟芷兮紉秋蘭以爲佩汨余若將不及兮恐年歲  
之不吾與朝搴阰之木蘭兮夕攬洲之宿莽日月忽其不  
淹兮春與秋其代序惟草木之零落兮恐美人之遲暮不  
撫壯而棄穢兮何不改乎此度也乘騏驎以馳騁兮來吾  
導夫先路昔三后之純粹兮固衆芳之所在雜申椒與蘭  
桂兮豈惟紉夫蕙茝彼堯舜之耿介兮旣遵道而得路何  
桀紂之昌披兮夫惟捷徑以窘步惟黨人之偷樂兮路幽  
昧以險隘豈余身之憚殃兮恐皇輿之敗績忽奔走以先  
後兮及前王之踵武荃不察余之中情兮反信讒而齎怒  
余固知謇謇之爲患兮忍而不能舍也指九天以爲正兮  
夫惟靈修之故也初旣與余成言兮後悔遁而有佗余旣  
不難夫別離兮傷靈修之數化余旣滋蘭之九畹兮又樹

蕙之百畝畦畱夷與揭車兮雜杜蘅與芳芷冀枝葉之峻  
茂兮願俟時乎吾將刈雖萎絕其亦何傷兮哀衆芳之蕪  
穢以上言以道事君見疑而不改衆皆競進以貪婪兮憑不厭乎求索羌

內恕己以量人兮各興心而嫉妒忽馳騫以追逐兮非余  
心之所急老冉冉其將至兮恐修名之不立朝飲木蘭之  
墜露兮夕餐秋菊之落英苟余情其信姱以練要兮長顙  
領亦何傷擘木根以結蔭兮貫薜荔之落蘂矯菌桂以紉  
蕙兮索胡繩之纚纚謇吾法夫前修兮非時俗之所服雖  
不周於今之人兮願依彭咸之遺則長太息以掩涕兮哀  
人生之多艱疑誤倒蓋涕與替爲韻余雖好修姱以鞿羈兮謇朝諝  
而夕替既替余以蕙纚兮又申之以攬茝亦余心之所善  
兮雖九死其猶未悔怨靈修之浩蕩兮終不察夫人心衆  
女嫉余之蛾眉兮謠諑謂余以善淫固時俗之工巧兮偪

規矩而改錯背繩墨以追曲兮競周容以爲度  
侘傺兮吾獨窮困乎此時也甯溘死以流亡兮余  
不忍爲此態也鸞鳥之不羣兮自前世而固然  
何方圓之能周兮夫孰異道而相安屈心而抑  
志兮忍尤而攘詬伏清白以

死直兮固前聖之所厚

以上言護人之害而將擠於死悔相道之不察兮

延佇乎吾將反迴朕車以復路兮及行迷之未遠步余馬

於蘭皋兮馳椒邱且焉止息進不入以離尤兮退將復修

吾初服制芰荷以爲衣兮集芙蓉以爲裳不吾知其亦已

兮苟余情其信芳高余冠之岌岌兮長余佩之陸離芳與

澤其雜糅兮唯昭質其猶未虧忽反顧以游目兮將往觀

乎四荒佩繽紛其繁飾兮芳菲菲其彌章

言吾挾此德美將適四方乎若

居楚國芳菲彌章安能使人之不思乎

人生各有所樂兮余獨好修以爲常

常當作恒

避漢諱改雖體解吾猶未變兮豈予心之可懲

以上言欲退隱不涉

世患而女嬃之嬋媛兮申申其詈予此段即漁父篇之義

不能也云棄由聯之所珍者曰鮀婞直以亡身兮終然天平羽之

野汝何博譽而好修兮紛獨有此婞節蒼菜施以盈室兮

判獨離而不服衆不可戶說兮執云察余之中情世並舉

而好朋兮夫何焚獨而不予聽以上設為女嬃辭所謂慎毋為善也依前聖

之節中兮喟憑心而歷茲濟沅湘以南征兮就重華而陳

辭啓九辯與九歌兮夏康娛以自縱啓九辯下十六句皆言失道君之致禍湯

禹四句皆言得道君之致福啓之失道載逸書武觀篇墨

子所引是也屈子以與澆并斥為康娛王逸誤以夏康連

讀解為太康偽作古文者遂有不願難以圖後兮五子用

太康尸位之語其失始於逸也失乎家巷羿淫游以佚田兮又好射夫封狐固亂流其鮮

終兮泥又貪夫厥家澆身被服疆圉兮縱欲而不忍日康

娛而自忘兮厥首用夫顛隕夏桀之常違兮乃遂焉而逢

殃后辛之菹醢兮殷宗用而不長湯禹嚴而祇敬兮周論

道而莫差舉賢而授能兮循繩墨而不頗皇天無私阿兮  
覽民德焉錯輔夫維聖哲以茂行兮苟得用此下土瞻前  
而顧後兮相觀民之計極夫孰非義而可用兮孰非善而  
可服陷余身而危死兮覽余初其猶未悔不量鑿而正桷  
兮固前修以菹醢曾歔歔余鬱悵兮哀朕時之不當寧茹  
蕙以掩涕兮霑余襟之浪浪以上言以此心正於舜而跪  
無愧又安能不爲善也  
敷衽以陳辭兮耿吾旣得此中正馳玉虬以乘鸞兮溘埃  
風余上征此下承住觀乎四荒極言之而卒朝發軔於蒼  
梧兮夕余至乎縣圃欲少留此靈璫兮日忽忽其將暮吾  
令羲和弭節兮望崦嵫而勿迫路漫漫其修遠兮吾將上  
下而求索飲余馬於咸池兮總余轡乎扶桑折若木以拂  
日兮聊須臾以相羊前望舒使先驅兮後飛廉使奔屬鸞  
皇爲余先戒兮雷師告余以未具吾令鳳皇飛騰兮又繼



之以日夜飄風屯其相離兮。帥雲霓而來御。紛紛總總其離。  
合兮。班陸離其上下。吾令帝閤開關兮。倚閭闔而望予。時  
曖曖其將罷兮。結幽蘭而延佇。世溷濁而不分兮。好蔽美  
而嫉妬。朝吾將濟於白水兮。登閭風而繼馬。忽反顧以流  
涕兮。哀高邱之無女。溘吾游此春宮兮。折瓊枝以繼佩。及  
榮華之未落兮。相下女之可貽。吾令豐隆乘雲兮。求處妃  
之所在。解佩纕以結言兮。吾令蹇修以爲理。紛總總其離  
合兮。忽緯繡其難遷。夕歸次於窮石兮。朝濯髮乎洧槃。保  
厥美以驕傲兮。日康娛以淫游。雖信美而無禮兮。來違棄  
而改求。言方合蹇修爲理而彼乃難於遷而歸我而反適  
無道之羿相從於窮石無禮何足顧邪羿自鉏遷於窮石  
窮石是羿國凡淮南子山海經之類多依楚辭妄爲附會  
皆不足據上言相下女故處妃覽相觀於四極兮周流乎  
有娥二姚皆下土女非謂神也天余乃下望瑤臺之偃蹇兮。見有娥之佚女。吾令鳩爲媒。

兮。鵠告余以不好。雄鵠之鳴逝兮。余猶惡其佻巧。心猶豫而狐疑兮。欲自適而不可。鳳皇既受詒兮。恐高辛之先我。欲遠集而無所止兮。聊浮游以逍遙。及少康之未家兮。留有虞之二姚。理弱而媒拙兮。恐導言之不固。時溷濁而嫉賢兮。好蔽美而稱惡。閨中既以邃遠兮。哲王又不寤懷。朕情而不發兮。余焉能忍。與此終古。以上言將以此中正適於茲世其於楚也則如天閭之不通是哲王不寤也其於異國則世無賢君想從驕傲或有賢而非我偶如佚女之不可求是閨中邃遠也索瓊茅以筵筭兮。命靈氛爲余占之。曰兩美其必合兮。孰信修而慕之。思九州之博大兮。豈唯是其有。女曰勉遠逝而無狐疑兮。就求美而釋汝何所獨無。芳草兮爾何懷乎。故宇世幽昧以眩曜兮。孰云察余之美惡。人好惡其不同兮。惟此黨人其獨異。戶服艾以盈要兮。謂幽蘭其不可佩。覽察草木其猶未得兮。豈琤美之能當。蘇糞壤以充幃兮。

謂申椒其不芳

以上皆靈氛之詞

欲從靈氛之吉占兮心猶豫而

狐疑巫咸將夕降兮懷椒糈而要之百神翳其備降兮九

疑繽其並迎皇剡剡其揚靈兮告余以吉故曰勉升降以

上下兮求矩矱之所同湯禹儼而求合兮摯皋繇而能調

苟中情其好修兮何必用夫行媒說操築於傅巖兮武丁

用而不疑呂望之鼓刀兮遭周文而得舉甯戚之謳歌兮

齊桓聞以該輔及年歲之未晏兮時亦猶其未央恐鸛鳴

之先鳴兮使百草爲之不芳何瓊珮之偃蹇兮衆夢然而

蔽之惟此黨人之不亮兮恐嫉妬而折之時繽紛其變易

兮又何可以淹留蘭芷變而不芳兮荃蕙化而爲茅何昔

日之芳草兮今直爲此蕭艾也豈其有他故兮莫好修之

害也

靈氛弟言世之幽昧而已巫咸則言黨人之害益深

遭其折害而死

余以蘭爲可恃兮羌無實而容長委厥美

其勢益危矣

以從俗兮苟得列乎衆芳椒專佞以慢諂兮檄又欲充其  
佩幃旣干進而務入兮又何芳之能祇固時俗之從流兮  
又孰能無變化覽椒蘭其若茲兮又泥揭車與江離惟茲  
佩之可貴兮委厥美而歷茲芳菲菲而難虧兮芬至今猶  
未沫和調度以自娛兮聊浮游而求女及余飾之方壯兮  
周流觀乎上下

以上皆巫咸之詞

靈氛旣告余以吉占兮

言承靈氛則巫

咸在其內矣

麻吉日乎吾將行折瓊枝以爲羞兮精瓊靡以爲

粃爲余駕飛龍兮雜瑤象以爲車何離心之可同兮吾將  
遠逝以自疏上處妃有娥一節猶言求女靈氛巫咸二節  
亦以求女爲言欲其擇君而事也至此節則  
知求女之必不可矣姑遠逝以自疏遨遊娛樂如遠  
游一篇之旨而卒亦不忍則死從彭咸焉而已也邇吾  
道夫崑崙兮路修遠以周流揚雲霓之晻藹兮鳴玉鸞之  
啾啾朝發軔於天津兮夕余至乎西極鳳皇翼其承旂兮  
高翔之翼翼忽吾行此流沙兮遵赤水而容與麾蛟龍

使梁津兮。詔西皇使涉予路。修遠以多。艱兮。騰衆車使徑待路。不周以左轉兮。指西海以爲期。屯余車其千乘兮。齊玉軼而並馳。駕八龍之婉婉兮。載雲旗之委移。抑志而弭節兮。神高馳之邈邈。奏九歌而舞韶兮。聊假日以媮樂。陟升皇之赫戲兮。忽臨睨夫舊鄉。僕夫悲余馬懷兮。蜷局顧而不行。亂曰。已矣哉。國無人莫我知兮。又何懷乎。故都旣莫足與爲美政兮。吾將從彭咸之所居。

屈原九章

鼂疑此篇與離騷同時作故有重著之語

惜誦以致愍兮。發憤以抒情。所非忠而言之兮。指蒼天以爲正。今五帝以折中兮。戒六神與嚮服。俾山川以備御兮。命咎繇使聽直。竭忠誠而事君兮。反離羣而贅肬。忘儂媚以背衆兮。待明君其知之。言與行其可迹兮。情與貌其不

變故相臣莫若君兮所以證之不遠吾誼先君而後身兮  
羌衆人之所仇也專惟君而無他兮又衆兆之所讎也壹  
心而不豫兮羌不可保也疾親君而無他兮有招禍之道  
也思君其莫我忠兮忽忘身之賤貧事君而不貳兮迷不  
知寵之門忠何辜以遇罰兮亦非余之所志也行不羣以  
顛越兮又衆兆之所咤也紛逢尤以離謫兮謫不可釋也  
情沈抑而不達兮又蔽而莫之白也心鬱悵余侘傺兮又  
莫察余之中情固煩言不可結而詒兮願陳志而無路退  
靜默而莫余知兮進號呼又莫吾聞申侘傺之煩惑兮中悶  
替之惛惛昔余夢登天兮魂中道而無杭吾使厲神占之  
今日有志及而無旁終危獨以離異兮曰君可思而不可  
恃故衆口其鑠金兮初若是而逢殆懲熱羹而吹鑿兮何  
不變此志也欲釋階而登天兮猶有曩之態也衆駭遽以

離心兮又何以爲此伴也同極而異路兮又何以爲此援  
也晉申生之孝子兮父信讒而不好行姦直而不豫兮鮌  
功用而不就吾聞作忠以造怨兮忽謂之過言九折臂而  
成醫兮吾至今乃知其信然增弋機而在上兮尉羅張而  
在下設張辟以娛君兮願側身而無所欲儻偁以干僚兮  
恐重患而離尤欲高飛而遠集兮君罔謂女何之欲橫奔  
而失路兮蓋堅志而不忍背膺胖以交痛兮心鬱結而紆  
軫擣木蘭以矯蕙兮檠申椒以爲糧播江離與滋菊兮願  
春日以爲糗芳恐情質之不信兮故重著以自明擣茲媚  
以私處兮願會思而遠身

惜誦○○

余幼好此奇服兮年既老而不衰帶長鋏之陸離兮冠切  
雲之崔嵬被明月兮佩寶璐世溷濁而莫余知兮吾方高

馳而不顧。駕青虬兮。騶白螭。吾與重華游兮。瑤之圃。登崑崙兮。食玉英。與天地兮。比壽。與日月兮。齊光。哀南夷之莫吾知兮。旦余濟乎江湘。乘鄂渚而反顧兮。歎秋冬之緒風。步余馬兮。山皋。低余車兮。方林。乘舸船兮。上沅。兮。齊吳榜以擊汰。船容與而不進兮。淹回水而疑滯。朝發枉渚兮。夕宿辰陽。苟余心其端直兮。雖僻遠其何傷。入溱浦兮。遘迴兮。迷。不知吾之所如。深林杳以冥冥兮。乃猿狖之所居。山峻高以蔽日兮。下幽晦以多雨。霰雪紛其無垠兮。雲霏霏而承宇。哀吾生之無樂兮。幽獨處乎山中。吾不能變心而從俗兮。固將愁苦而終窮。接輿髡首兮。桑扈羸行。忠不必用兮。賢不必以。伍子逢殃兮。比干菹醢。與前世而皆然兮。吾又何怨乎今之人。余將董道而不豫兮。固將重昏而終身。亂曰。鸞鳥鳳皇日以遠兮。燕雀烏鵲巢堂壇兮。露申辛



夷死林薄兮腥臊並御芳不得薄兮陰陽易位時不當兮  
懷信侘傺忽乎吾將行兮

涉江

皇天之不純命兮何百姓之震愆民離散而相失兮方仲  
春而東遷去故鄉而就遠兮遵江夏以流亡出國門而軫  
懷兮甲之鼂吾以行發郢都而去閭兮招荒忽其焉極悵  
兮揚以容與兮哀見君而不再得望長楸而太息兮涕淫  
淫其若霰過夏首而西浮兮顧龍門而不見心嬋媛而傷  
懷兮眇不知其所馳順風波而流從兮焉洋洋而爲客凌  
陽侯之汜濫兮忽翱翔之焉薄心絀結而不解兮思蹇產  
而不釋將運舟而下浮兮上洞庭而下江去終古之所居  
兮今逍遙而來東羌靈魂之欲歸兮何須臾而忘返背夏  
浦而西思兮哀故都之日遠登大墳以遠望兮聊以舒吾

憂心哀州土之平樂兮悲江介之遺風當陵陽之焉至今  
稟疑懷王時放屈子於江南在今江西饒信地處鄂之東  
蓋作哀郢時也頃襄可遷之乃在辰洲之間處郢之南作  
涉江時也招魂曰路貫廬江兮左長薄廬江古仰彭蠡之  
水故山曰廬山漢初廬江郡猶在江南後乃移郡江北地  
志云廬江出陵陽東北入江蓋彭蠡東源出今饒州東  
界者古陵陽界及此故屈子曰當陵陽之焉至言不意其  
忽至此也其後陵陽南界乃益狹乃僅有今南陵銅陵縣  
耳運舟下浮者乘流下也上洞庭下江者言其處地之上  
下非屈子是時森南渡之焉如曾不知夏之爲邱兮孰兩  
已南入洞庭也東門之可蕪心不怡之長久兮憂與愁其相接惟郢路之  
遼遠兮江與夏之不可涉忽若不信兮至今九年而不復  
慘鬱鬱而不通兮蹇侘傺而含蹙外承歡之汨約兮謔荏  
弱而難持忠湛湛而願進兮妒被離而鄣之彼堯舜之抗  
行兮瞭杳杳其薄天衆讒人之嫉妒兮被以不慈之僞名  
憎愠倫之修美兮好夫人之忼慨衆踳蹀而日進兮美超  
遠而踰邁亂曰曼余目以流觀兮冀一反之何時鳥飛返

故鄉兮狐死必首邱信非吾罪而棄逐兮何日夜而忘之

哀郢○○○

心鬱鬱之憂思兮獨永嘆乎增傷思蹇產之不釋兮曼遭  
夜之方長悲秋風之動容兮何回極之浮浮數惟蓀之多  
怒兮傷余心之憂憂願遙赴而橫奔兮覽民尤以自鎮結  
微情以陳詞兮矯以遺夫美人昔君與我成言兮日黃昏  
以爲期羌中道而回畔兮反既有此他志僑吾以其美好  
兮覽余以其修姱與余言而不信兮蓋爲余而造怒願承  
間而自察兮心震悼而不敢悲夷猶而冀進兮心怛傷之  
憺憺茲歷情以陳辭兮蓀詳聲而不聞固切人之不媚兮  
衆果以我爲患初吾所陳之耿著兮豈至今其庸亡言所陳成  
敗得失無不耿著其言何獨樂斯之蹇蹇兮願蓀美之可  
猶在而至今不已驗乎完望三五以爲像兮指彭咸以爲儀夫何極而不至兮故

遠聞而難虧善不由外來兮名不可以虛作孰無施而有  
報兮孰不實而有穫少歌曰與美人抽怨兮并日夜而無  
正憍吾以其美好兮敖朕辭而不聽倡曰有鳥自南兮來  
集漢北好姱佳麗兮睢獨處此異域旣憚獨而不羣兮又  
無良媒在其側道卓遠而日忘兮願自申而不得望北山  
而流涕兮臨流水而太息望孟夏之短夜兮何晦明之若  
歲惟郢路之遼遠兮魂一夕而九逝此承上文言我初陳  
而君乃不聽安得無禍乎懷王入秦渡漢而北故託言有  
鳥而悲傷其南望郢而不得反也故曰雖流放瞻顧楚國  
繫心懷王曾不知路之曲直兮南指月與列星願徑逝而  
不忘欲返不得兮魂識路之營營何靈魂之信直兮人之心不與吾  
心同理弱而媒不通兮尚不知余之從容言懷王以信直  
無行理爲通一言王尚不知予之心所謂以此見懷王之  
終不悟也懷王昔者所任用蓋皆小人爲利者耳一旦主  
遭憂辱則棄而忘之冀如瑕生之於晉惠子展子鮮之推  
挽衛獻者安可得哉屈子所以痛心於理弱也與離騷之

理弱托亂曰長瀨湍流沅江潭兮狂顧南行聊以娛心兮  
軫石歲危蹇吾願兮超回志度行隱進兮低徊夷猶宿北  
姑兮煩冤督谷實沛祖兮愁嘆苦神靈遙思兮路處遠幽  
又無行媒兮道思作頌聊以自救兮懷王之事不可追矣  
聊作頌爲戒以救襄  
王尚可及也故曰冀幸君之一悟此篇悲傷懷王之拘困  
於秦其辭致爲倭切既自抒忠愛亦所以厲頃襄報仇之  
心而是時君臣方耽逸樂惡聞國憂此令尹子蘭所以聞之  
大怒也憂心不遂斯言誰告兮  
抽思。

滔滔孟夏兮草木莽莽傷懷永哀兮汨徂南土眴兮杳杳  
孔靜幽默鬱結紆軫兮離慙而長鞠撫情效志兮冤屈而  
自抑刑方以爲圖兮常度未替易初本迪兮君子所鄙章  
畫志墨兮前圖未改內厚質直兮大人所賊巧倖不斲兮  
孰察其揆正元文處幽兮朦朧謂之不章離婁微睇兮瞽  
以爲無明變白以爲黑兮倒上以爲下鳳皇在笱兮雞鶩

翔舞同糝玉石兮一槩而相量夫惟黨人之鄙固兮羌不知余之所臧任重載盛兮陷滯而不濟懷瑾握瑜兮窮不知所示邑犬羣吠兮吠所怪也非俊疑傑兮固庸態也文質疏內兮衆不知余之異采材樸委積兮莫知余之所有重仁集義兮謹厚以爲豐重華不可選兮孰知余之從容古固有不並兮豈知其何故也湯禹久遠兮邈而不可慕也懲違改忿兮抑心而自彊離慙而不遷兮願志之有像進路北次兮日昧昧其將暮舒憂娛哀兮限之以大故亂曰浩浩沅湘分流汨兮修路幽蔽道遠忽兮懷質抱情獨無匹兮伯樂旣沒驥焉程兮民生稟命各有所錯兮定心廣志余何畏懼兮曾傷爰哀永嘆唱兮世溷濁莫吾知人心不可謂兮知死不可讓願勿愛兮明告君子吾將以爲類兮

懷沙○○○

思美人兮。擘涕而竚。貽媒絕路。阻兮言不可結。而詒蹇蹇之煩冤兮。陷滯而不發。申旦以舒中情兮。志沈菀而莫達。願寄言於浮雲兮。遇豐隆而不將。因歸鳥而致辭兮。羌迅高而難當。高辛之靈晟兮。遭元鳥而致詒。欲變節以從俗兮。愧易初而屈志。獨歷年而離愍兮。羌馮心猶未化。甯隱閔而壽考兮。何變易之可爲。知前轍之不遂兮。未改此度。車旣覆而馬顛兮。蹇獨懷此異路。勒騏驥而更駕兮。遺父爲我操之。遷逡次而勿驅兮。聊假日以須時。指嵒冢之西隈兮。與纁黃以爲期。開春發歲兮。白日出之悠悠。吾將蕩志而愉樂兮。遵江夏以娛憂。擘大薄之芳茝兮。蹇長洲之宿莽。惜吾不及古之人兮。吾誰與玩此芳草。解篇薄與雜萊兮。備以爲交。佩佩繽紛以繚轉兮。遂萎絕而離異。吾日

儻。個。以。娛。憂。兮。觀。南。人。之。變。態。竊。快。在。其。中。心。兮。揚。厥。馮。  
而。不。踈。芳。與。澤。其。雜。糅。兮。羌。芳。華。自。中。出。紛。郁。郁。其。遠。喬。  
兮。滿。內。而。外。揚。情。與。質。信。可。保。兮。羌。居。蔽。而。閔。章。令。薛。荔。  
以。爲。理。兮。憚。舉。趾。而。緣。木。因。芙。蓉。以。爲。媒。兮。憚。褰。裳。而。濡。  
足。登。高。吾。不。說。兮。入。下。吾。不。能。固。朕。形。之。不。服。兮。然。容。與。  
而。狐。疑。廣。遂。前。畫。兮。未。改。此。度。也。命。則。處。幽。吾。將。罷。兮。願。  
及。白。日。之。未。暮。也。獨。熒。熒。而。南。行。兮。思。彭。咸。之。故。也。

思美人。

惜。往。日。之。曾。信。兮。受。命。詔。以。昭。詩。奉。先。功。以。照。下。兮。明。法。  
度。之。嫌。疑。國。富。彊。而。法。立。兮。屬。貞。臣。而。日。娛。祕。密。事。之。載。  
心。兮。雖。過。失。猶。弗。治。心。純。履。而。不。泄。兮。遭。讒。人。而。嫉。之。君。  
含。怒。以。待。臣。兮。不。清。激。其。然。否。蔽。晦。君。之。聰。明。兮。虛。惑。誤。  
又。以。欺。弗。參。驗。以。考。實。兮。遠。遷。臣。而。弗。思。信。讒。諛。之。溷。濁。



兮賊氣志而過之何貞臣之無辜兮被謫謫而見尤慙光  
景而誠信兮身幽隱而備之臨沅湘之元淵兮遂自忍而  
沈流卒沒身而絕名兮惜靡君之不昭君無度而弗察兮  
使芳草爲藪幽焉舒情而拙信兮恬死亡而不聊獨郭靡  
而蔽隱兮使貞臣而無由聞百里之爲虜兮伊尹烹於庖  
廚呂望屠於朝歌兮甯戚歌而飯牛不逢湯武與桓繆兮  
世孰云而知之吳信讒而弗味兮子胥死而後憂介子忠  
而立枯兮文君寤而追求封介山而爲之禁兮報大德之  
優游思久故之親身兮因縞素而哭之或忠信而死節兮  
或訑謾而不疑弗省察而按實兮聽讒人之虛辭芳與澤  
其雜糅兮孰申旦而別之何芳草之早殀兮微霜降而下  
戒諒聰不明而蔽靡兮使讒諛而日得自前世之嫉賢兮  
謂蕙若其不可佩妒佳冶之芬芳兮婁母姣而自好雖有

西施之美容兮。讒妒人以自代。願陳情以白行兮。得罪過之。不意情寃見之日明兮。如列宿之錯置。棄騏驥而馳騁兮。無轡銜而自載。乘汜汴以下流兮。無舟楫而自備。背法度而心治兮。辟與此其無異。甯溘死而流亡兮。恐禍殃之有再。不畢辭以赴淵兮。惜靡君之不識。

惜往日。

后皇嘉樹。橘徠服兮。受命不遷。生南國兮。深固難徙。更壹志兮。綠葉素榮。紛其可喜兮。曾枝剌棘。圓果搏兮。青黃雜糅。文章爛兮。精色內白。類任道兮。紛緼宜修。姱而不醜兮。嗟爾幼志。有以異兮。獨立不遷。豈不可喜兮。深固難徙。廓其無求兮。蘇世獨立。橫而不流兮。閉心自慎。終不過失兮。秉德無私。參天地兮。願歲并謝。與長友兮。淑離不淫。梗其有理兮。年歲雖少。可師長兮。行比伯夷。置以爲像兮。

橘頌

。纂疑此篇尚在懷王朝初被讒時所作故首言

。閉心自慎之語又若以辨釋上官所

云每一令出平伐其功之爲誣也

悲回風之搖蕙兮。心冤結而內傷。物有微而隕性兮。聲有隱而先倡。夫何彭咸之造思兮。暨志介而不忘。萬變其情。豈可益兮。就虛僞之可長。鳥獸鳴以號羣兮。草苴比而不芳。魚鼈鱗以自別兮。蛟龍隱其文章。故荼薺不同畝兮。蘭茝幽而獨芳。惟佳人之永都兮。更統世而自貶。眇遠志之所及兮。憐浮雲之相羊。介眇志之所惑兮。竊賦詩之所明。惟佳人之獨懷兮。折芳椒以自處。曾歔歔之嗟嗟兮。獨隱伏而思慮。涕泣交而淒淒兮。思不眠以至曙。終長夜之曼曼兮。掩此哀而不去。寤從容以周流兮。聊逍遙以自恃。傷太息之愍憐兮。氣於邑而不可止。糺思心以爲纓兮。編愁苦以爲膺。折若木以蔽光兮。隨飄風之所仍。存髣髴而不

見兮心踊躍其若湯撫珮衽以案志兮超惘惘而遂行歲  
習習其若頽兮時亦冉冉而將至蘋蘩槁而節離兮芳已  
歇而不比憐思心之不可懲兮證此言之不可聊甯溘死  
而流亡兮不忍此心之常愁孤子吟而投淚兮放子出而  
不還孰能思而不隱兮昭彭咸之所聞登石巒以遠望兮  
路眇眇之默默入景響之無應兮聞省想而不可得愁鬱  
鬱之無使兮居戚戚而不可解心鞿羈而不開兮氣繚轉  
而自締穆眇眇之無垠兮莽芒芒之無儀聲有隱而相感  
兮物有純而不可爲邈漫漫之不可量兮縹綿綿之不可  
紆愁悄悄之常悲兮翩冥冥之不可娛凌大波而流風兮  
托彭咸之所居上高巖之峭岸兮處雌蜺之標顛據青冥  
而攄虹兮遂儵忽而捫天吸湛露之浮涼兮漱凝霜之雰  
雰依風穴以自息兮忽傾寤以嬋媛馮崑崙以激霧兮隱

岐山以清江。憚涌湍之礚礚。今聽波聲之洶洶。紛容容之  
無經。今罔茫茫之無紀。軋洋洋之無從。今馳委蛇之焉止。  
漂翻翻其上下。今翼遙遙其左右。汜涌涌其前後。今伴張  
弛之信期。觀炎氣之相仍。今窺煙液之所積。悲霜雪之俱  
下。今聽潮水之相擊。借光景以往來。今施黃棘之枉策。求  
介子之所存。今見伯夷之放迹。心調度而弗去。今刻著志  
之無適。曰吾怨往昔之所冀。今悼來者之慙慙。浮江淮而  
入海。今從子胥而自適。望大河之洲渚。今悲申屠之抗迹。  
驟諫君而不聽。今任重名之何益。心絳結而不解。今思蹇  
產而不釋。

悲回風。

辭賦類二

古文辭類纂六十二

屈原遠游

悲時俗之迫阨兮願輕舉而遠游質菲薄而無因兮焉託  
乘而上浮遭沈濁而汙穢兮獨鬱結其誰語夜耿耿而不  
寐兮魂營營而至曙惟天地之無窮兮哀人生之長勤往  
者余弗及兮來者吾不聞步徙倚而遙思兮怊惝怳而乖  
懷意荒忽而流蕩兮心愁悽而增悲神儵忽而不反兮形  
枯槁而獨留內惟省以端操兮求正氣之所由漠虛靜以  
恬愉兮澹無爲而自得聞赤松之清塵兮願承風乎遺則  
貴眞人之休德兮美往世之登仙與化去而不見兮名聲  
著而日延奇傳說之託辰星兮羨韓衆之得一形穆穆以  
浸遠兮離人羣而遁逸因氣變而遂曾舉兮忽神奔而鬼  
怪時髣髴以遙見兮精皎皎以往來超氛埃而淑郵兮終

不反其故都免衆患而不懼兮世莫知其所如恐天時之  
代序兮耀靈晁而西征微霜降而下淪兮悼芳草之先萎  
聊仿佯而逍遙兮永歷年而無成誰可與玩斯遺芳兮長  
鄉風而舒情高陽邈以遠兮余將焉所程重曰春秋忽其  
不淹兮奚久留此故居軒轅不可攀援兮吾將從王喬而  
娛戲滄六氣而飲沆瀣兮漱正陽而含朝霞保神明之清  
澄兮精氣入而麤穢除順凱風以從游兮至南巢而壹息  
見王子而宿之兮審壹氣之和德曰道可受兮而不可傳  
其小無內兮其大無垠毋滑而魂兮彼將自然壹氣孔神  
兮於中夜存虛以待之兮無爲之先庶類以成兮此德之  
門聞至貴而遂徂兮忽乎吾將行仍羽人於丹邱兮留不  
死之舊鄉朝濯髮於湯谷兮夕晞余身兮九陽吸飛泉之  
微液兮懷琬琰之華英玉色頤以晚顏兮精純粹而始壯

質銷鑠以爲約兮神要眇以淫放嘉南州之炎德兮麗桂  
樹之冬榮山蕭條而無獸兮野寂漠而無人載營魄而登  
霞兮掩浮雲而上征命天閤其開闔兮排閭闔而望予召  
豐隆使先導兮問大微之所居集重陽入帝宮兮造旬始  
而觀清都朝發軔於大儀兮夕始臨乎於微閭屯余車之  
萬乘兮紛容與而並馳駕八龍之婉婉兮載雲旗之逶迤  
建雄虹之采旄兮五色雜而炫耀服偃蹇以低昂兮驟連  
蜺以驕驚騎膠葛以雜亂兮班漫衍而方行挽余轡而正  
策兮吾將過乎句芒歷太皓以右轉兮前飛廉以啓路陽  
杲杲其未光兮凌天地以徑度風伯爲余先驅兮氛埃辟  
而清涼鳳皇翼其承旂兮遇虬收乎西皇擘彗星以爲旂  
兮舉斗柄以爲麾叛陸離其上下兮游驚霧之流波時懷  
隄其隳莽兮召元武而奔屬後文昌使掌行兮選署衆神



以並轂路曼曼其修遠兮徐弭節而高厲左雨師使徑侍  
兮右雷公以爲衛欲度世以忘歸兮意咨睢以担橋內欣  
欣而自美兮聊嬉娛以淫樂涉青雲以汎濫游兮忽臨睨  
夫舊鄉僕夫懷余心悲兮邊馬顧而不行思舊故以想像  
兮長太息而掩涕汜容與而遐舉兮聊抑志而自弭指炎  
神而直馳兮吾將往乎南疑覽方外之荒忽兮沛溷漭而  
自浮祝融戒而蹕御兮騰告鸞鳥迎處妃張咸池奏承雲  
兮二女御九韶歌使湘靈鼓瑟兮令海若舞憑夷元螭蟲  
象並出進兮形繆虬而透蛇雌蜺便娟以增捷兮鸞鳥軒  
翥而翔飛音樂博衍無終極兮焉乃近以徘徊舒并節以  
馳騫兮連絕垠乎寒門軼迅風於清源兮從顓頊乎增冰  
歷元冥以邪徑兮乘間維以反顧召黔羸而見之兮爲余  
先乎平路經營四方兮周流六漠上至列缺兮降望大壑

下。崢嶸。而。無。地。兮。上。寥廓。而。無。天。視。儵。忽。而。無。見。兮。聽。愴。  
悅。而。無。聞。超。無。爲。以。至。清。兮。與。泰。初。而。爲。鄰。

屈原卜居○○○

屈原既放三年不得復見竭智盡忠蔽鄣於讒心煩意亂  
不知所從乃往見太卜鄭詹尹曰余有所疑願因先生決  
之詹尹乃端策拂龜曰君將何以教之屈原曰吾甯悃悃  
款款朴以忠乎將送往勞來斯無窮乎甯誅鋤草茅以力  
耕乎將游大人以成名乎甯正言不諱以危身乎將從俗  
富貴以媮生乎甯超然高舉以保真乎將呶訾諛諂斯喔  
唏以事婦人乎甯廉潔正直以自清乎將突梯滑稽如  
脂如韋以絜楹乎甯昂昂若千里之駒乎將汜汜若水中  
之鳧乎與波上下儵以全吾軀乎甯與騏驥抗軛乎將隨  
鴛鴦之迹乎甯與黃鵠比翼乎將與雞鶩爭食乎此孰吉

孰。凶。何。去。何。從。世。溷。濁。而。不。清。蟬。翼。爲。重。千。鈞。爲。輕。黃。鐘。  
毀。棄。瓦。釜。雷。鳴。譏。人。高。張。賢。士。無。名。于。嗟。默。默。兮。誰。知。吾。  
之。廉。貞。信。尹。乃。釋。策。而。謝。曰。夫。尺。有。所。短。寸。有。所。長。物。有。  
所。不。足。智。有。所。不。明。數。有。所。不。逮。神。有。所。不。通。用。君。之。心。  
行。君。之。意。龜。策。誠。不。能。知。此。事。

屈原漁父。

屈原既放游於江潭行吟澤畔顏色憔悴形容枯槁漁父  
見而問之曰子非三閭大夫與何故至於斯屈原曰世人  
皆濁我獨清衆人皆醉我獨醒是以見放漁父曰聖人不  
凝滯於萬物而能與世推移舉世皆濁何不泥其泥而揚  
其波衆人皆醉何不餽其醑何故深思高舉自  
令放爲屈原曰吾聞之新沐者必彈冠新浴者必振衣安  
能以身之察察受物之汶汶者乎甯赴湘流葬於江魚之

腹中安能以皓皓之白蒙世俗之塵埃乎漁父莞爾而笑  
鼓枻而去乃歌曰滄浪之水清兮可以濯我纓滄浪之水  
濁兮可以濯我足遂去不復與言

合河肅氏  
謝粹家譜

辭賦類三

古文辭類纂六十三

宋玉九辯○○○

悲哉秋之爲氣也。蕭瑟兮。草木搖落而變衰。僚慄兮。若在遠行。登山臨水兮。送將歸。沈寥兮。天高而氣清。寂寥兮。收潦而水清。憫悽增歎兮。薄寒之中人。愴怆悵兮。去故而就新。坎壈兮。貧士失職而志不平。廓落兮。羈旅而無友生。惆悵兮。而私自憐。燕翩翩兮。辭歸兮。蟬寂寞而無聲。雁噦噦而南游兮。鴟雞啁哳而悲鳴。獨申旦而不寐兮。哀蟋蟀之宵征。時亶亶而過中兮。蹇淹留而無成。

悲憂窮蹙兮。獨處廓有美一人兮。心不釋去。鄉離家兮。來遠客超逍遙兮。今焉薄專思君兮。不可化君不知兮。可柰何。蓄怨兮。積思。心煩憺兮。忘食。事願一見兮。道余意君之心兮。與余異。車駕兮。竭而歸。不得見兮。心悲倚結轡兮。大

息涕潺湲兮。霑軾慷慨絕兮。不得中膺亂兮。迷惑私自憐兮。何極心忤忤兮。諒直

皇天平分四時兮。竊獨悲此凜秋。白露旣下降。百草今奄離。披此梧楸。去白日之昭昭兮。襲長夜之悠悠。離芳藹之方壯兮。余委約而悲愁。秋旣先戒以白露兮。冬又申之以嚴霜。收恢台之孟夏兮。然坎際而沈藏。葉菸邑而無色兮。枝煩挐而交橫。顏淫溢而將罷兮。柯髣髴而委黃。葡萄櫟之可哀兮。形銷鑠而瘵傷。惟其紛糅而將落兮。恨其失時而無當。覽騁轡而下節兮。聊逍遙以相羊。歲忽忽而邁盡兮。恐余壽之弗將。悼余生之不時兮。逢此世之氾攘。澹容與而獨倚兮。蟋蟀鳴此西堂。心怵惕而震盪兮。何所憂之多方。仰明月而太息兮。步列星而極明。

竊悲夫蕙華之曾敷兮。紛旖旎乎邵房。何曾華之無實兮。

從風雨而飛颺以爲君獨服此蕙兮嗟無以異於衆芳閔  
奇思之不通兮將去君而翱翔心閔憐之慘懷兮願一見  
而有明重無怨而生離兮中結軫而增傷豈不鬱陶而思  
君兮君之門以九重猛犬狺狺而迎吠兮關梁閉而不通  
皇天淫溢而秋霖兮后土何時而得乾塊獨守此無澤兮  
仰浮雲而永歎

何時俗之工巧兮背繩墨而改錯却騏驥而不乘兮策駑  
駘而取路當世豈無騏驥兮誠莫之能善御見執轡者非  
其人兮故駒跳而遠去鳬雁皆喑夫梁藻兮鳳愈飄翔而  
高舉園鑿而方枘兮吾固知其鉏鋸而難入衆鳥皆有所  
登棲兮鳳獨遑遑而無所集願銜枚而無言兮嘗被君之  
渥洽太公九十乃顯榮兮誠未遇其匹合謂騏驥兮安歸  
謂鳳皇兮安棲變古易俗兮世衰今之相者兮舉肥騏驥



伏匿而不見兮鳳皇高飛而不下鳥獸猶知懷德兮何云  
賢士之不處驥不驟進而求服兮鳳亦不貪餒而忘食君  
棄遠而不察兮雖願忠其焉得欲寂寞而絕端兮竊不敢  
忘初之厚德獨悲愁其傷人兮馮鬱鬱其何極

霜露慘悽而交下兮心尙忤其弗濟霰雪雰糅其增加兮  
乃知遭命之將至願微幸而有待兮泊莽莽與埜草同死  
願自直而徑往兮路壅絕而不通欲循道而平驅兮又未  
知其所從然中路而迷惑兮自厭按而學誦性愚陋以褊  
淺兮信未達乎從容竊美申包胥之氣晟兮恐時世之不  
固何時俗之工巧兮滅規渠而改鑿獨耿介而不隨兮願  
慕先聖之遺教處濁世而顯榮兮非余心之所樂與其無  
義而有名兮甯窮處而守高食不媮而爲飽兮衣不苟而  
爲溫竊慕詩人之遺風兮願託志乎素餐蹇充偈而無端

今泊莽莽而無垠無衣裘以御冬兮恐溘死不得見乎陽春

靚杪秋之遙夜兮心繚悞而有哀春秋遶遶而日高兮然惆悵而自悲四時遞來而卒歲兮陰陽不可與儼偕白日晚晚其將入兮明月銷鑠而滅毀歲忽忽而邁盡兮老冉冉而愈弛心搖悅而日蚤兮然怊悵而無冀中憊惻之悽愴兮長太息而增欷年洋洋以日往兮老嶢廓而無處事亶亶而覲進兮蹇淹留而躊躇

何汜濫之浮雲兮森靡蔽此明月忠昭昭而願見兮然露晞而莫達願皓日之顯行兮雲蒙蒙而蔽之竊不自料而願忠兮或黜黜而汙之堯舜之抗行兮瞭冥冥而薄天何險巇之嫉妒兮被以不慈之僞名彼日月之照明兮尙黯黯而有瑕何況一國之事兮亦多端而膠加被荷襴之晏

晏兮然潢洋而不可帶既驕美而伐武兮負左右之耿介  
憎溫倫之修美兮好夫人之慷慨衆啜蹠而日進兮美超  
遠而逾邁農夫輟耕而容與兮恐田野之蕪穢事絲絲而  
多思兮竊悼後之危敗世雷同而炫曜兮何毀譽之昧昧  
今修飾而窺鏡兮後尙可以竄藏願寄言夫流星兮羌儵  
忽而難當卒雕蔽此浮雲兮下暗漠而無光

堯舜皆有所舉任兮故高枕而自適諒無怨於天下兮心  
焉取此怵惕棄騏驥之瀏瀏兮馭安用夫彊策諒城郭之  
不足恃兮雖重介之何益遭翼翼而無終兮怵惛惛而愁  
約生天地之若過兮功不成而無效願沈滯而不見兮尙  
欲布名乎天下然潢洋而不過兮直恂愁而自苦莽洋洋  
而無極兮忽翱翔之焉薄國有驥而不知棄兮焉皇皇而  
更索甯戚謳於車下兮桓公聞而知之無伯樂之善相兮

今誰使乎譽之。曰流涕以聊慮。今惟著意而得之。紛饨饨而願忠。今如被離而郢之。願賜不肖之軀。而別離。今放游志乎雲中。聚精氣之搏搏。今驚諸神之湛湛。騁白霓之習習。今歷羣靈之豐豐。左朱雀之茈茈。今右蒼龍之躍躍。屬雷師之闐闐。今通飛廉之衙衙。前輕鯨之鏘鏘。今後轆轤之從從。載雲旗之委蛇。今扈屯騎之容容。計專專之不可化。今願遂推而爲臧。賴皇天之厚德。今還及君之無恙。宋玉招魂。

朕幼清以廉潔。今身服義而未沫。主此盛德。今牽於俗而蕪穢。上無所考。此盛德。今長離殃而愁苦。帝告巫陽。曰有人在。下我欲輔之魂魄。離散汝筮予之。巫陽對曰。掌夢。上帝其命難從。若必筮予之。恐後謝之不能復用。巫陽焉乃下招曰。魂兮歸來。去君之恒幹。何爲乎四方。些。舍君之樂

處而離彼不祥些魂兮歸來東方不可以托些長人千仞  
惟魂是索些十日代出流金鑠石些彼皆習之魂往必釋  
些歸來歸來不可以託些魂兮歸來南方不可以止些離  
題黑齒得人肉以祀以其骨爲醢些蝮蛇蓁蓁封狐千里  
些雄虺九首往來儵忽吞人以益其心些歸來歸來不可  
久淫些魂兮歸來西方之害流沙千里些旋入雷泉靡散  
而不可止些幸而得脫其外曠宇些赤蟻若象元龜若壺  
些五穀不生叢菅是食些其土爛人求水無所得些彷徨  
無所倚廣大無所極些歸來歸來恐自遺賊些魂兮歸來  
北方不可以止些增冰峨峨飛雪千里些歸來歸來不可  
以久些魂兮歸來君無上天些虎豹九關啄害下人些一  
夫九首拔木九千些豺狼從目往來僂僂些懸人以燬投  
之深淵些致命於帝然後得瞑些歸來歸來往恐危身些

魂兮歸來。吾無下此幽都些。土伯九約。其角鬚鬚些。敦脈  
血拇。逐人駭駭些。參目虎首。其身若牛些。此皆甘人。歸來  
歸來。恐自遺災些。魂兮歸來。入修門些。工祝招君。背行先  
些。秦篝齊縷。鄭絛絡些。招具該備。永嘯呼些。魂兮歸來。反  
故居些。天地四方。多賊姦些。像設君室。靜閒安些。高堂邃  
宇。監層軒些。層臺累榭。臨高山些。網戶朱綴。刻方連些。冬  
有突夏。夏室寒些。川谷徑復。流潺湲些。光風轉蕙。汜崇蘭  
些。經堂入奧。朱塵筵些。砥室翠翹。挂曲瓊些。翡翠珠被。爛  
齊光些。翡阿拂壁。羅幃張些。纂組綺縞。結奇璫些。室中之  
觀。多珍怪些。蘭膏明燭。華容備些。二八侍宿。射遞代些。九  
侯淑女。多迅衆些。盛鬋不同制。實滿宮些。容態好比。順彌  
代些。弱顏固植。謔其有意些。姱容修態。絢洞房些。蛾眉曼  
睩。目騰光些。靡顏膩理。遺視矐些。離榭修幕。侍君之閒些。

翡翠。翠幃。飾高堂。些。紅壁。沙版。元玉之梁。些。仰觀。刻桷。畫  
 龍。蛇。些。坐堂。伏檻。臨曲池。些。芙蓉。始發。雜芰荷。些。紫莖。屏  
 風。文綠。波。些。文異。豹飾。侍陂陀。些。軒轅。旣低。步騎。羅。些。蘭  
 薄。戶。樹。瓊。木。籬。些。魂兮。歸來。何遠。爲些。室家。遂宗。食多方  
 些。稻粱。稱麥。挈黃梁。些。大苦。鹹酸。辛甘。行些。肥牛之臠。牖  
 若芳。些。和酸。若苦。陳吳羹。些。濡鼈。泡羔。有柘漿。些。鵠酸。鴈  
 鳧。煎鴻。鴈。些。露雞。臠蠋。鴈而不爽。些。粗糲。蜜餌。有餒餒。些。  
 瑤漿。蜜勺。實羽觴。些。挫糟。凍飲。酎清涼。些。華酌。旣陳。有瓊  
 漿。些。歸來。反故室。敬而無妨。些。肴羞。未通。女樂。羅。些。陳鐘  
 按鼓。造新歌。些。涉江。採菱。發揚荷。些。美人。旣醉。朱顏。酡。些。  
 娛光。眇視。目會波。些。被文服。纖麗。而不奇。些。長髮。曼髯。豔  
 陸離。些。二八。齊容。起鄭舞。些。衽若交竿。撫案下。些。竽瑟。狂  
 會。填鳴鼓。些。宮庭。震驚。發激楚。些。吳歎。蔡謳。奏大呂。些。士

女。雜。坐。亂。而。不。分。些。放。陳。組。纓。班。其。相。紛。些。鄭。衛。妖。玩。來。  
難。陳。兮。激。楚。之。結。獨。秀。先。些。篋。箴。象。碁。有。六。搏。些。分。曹。並。  
進。適。相。迫。些。成。梟。而。牟。呼。五。白。些。晉。制。犀。比。費。白。日。些。鏗。  
鐘。播。虎。楔。梓。瑟。些。娛。酒。不。廢。沈。日。夜。些。蘭。膏。明。燭。華。鐙。錯。  
些。結。撰。至。思。蘭。芳。假。些。人。有。所。極。同。心。賦。些。耐。飲。既。盡。歡。  
樂。先。故。些。魂。兮。歸。來。反。故。居。些。亂。曰。獻。歲。發。春。兮。汨。吾。南。  
征。策。蘋。齊。葉。兮。白。芷。生。路。貫。廬。江。兮。左。長。薄。倚。沼。畦。瀛。兮。  
遙。望。博。青。驪。結。馴。兮。齊。千。乘。懸。火。延。起。兮。元。顏。蒸。步。及。驟。  
處。兮。誘。騁。先。抑。驚。若。通。兮。引。車。右。還。與。王。趨。夢。兮。課。後。先。  
君。王。親。發。兮。憚。青。兕。朱。明。承。夜。兮。時。不。可。淹。皋。蘭。被。徑。兮。  
斯。路。漸。湛。湛。江。水。兮。上。有。楓。目。極。千。里。兮。傷。春。心。魂。兮。歸。  
來。哀。江。南。

宋玉風賦○○○



楚襄王游於蘭臺之宮宋玉景差侍有風颯然而至王乃  
披襟而當之曰快哉此風寡人所與庶人共者邪宋玉對  
曰此獨大王之風耳庶人安得而共之王曰夫風者天地  
之氣溥暢而至不擇貴賤高下而加焉今子獨以爲寡人  
其所托者然則風氣殊焉王曰夫風始安生哉宋玉對曰  
夫風生於地起於青蘋之末侵淫谿谷盛怒於土囊之口  
緣太山之阿舞於松柏之下飄忽漰湧激揚標怒眩雷  
聲迴穴錯迕靡石伐木梢殺林莽至其將衰也被麗披離  
衝孔動榱而渙粲爛離散轉移故其清涼雄風則飄舉升  
降乘淩高城入於深宮邸華葉而振氣徘徊於桂椒之間  
翱翔於激水之上將擊芙蓉之精獵蕙草離秦蘅槩新夷  
被黃楊迴穴衝陵蕭條衆芳然後徜徉中庭北上玉堂躋

於羅幃。經於洞房。迺得爲大王之風也。故其風中人。狀直  
慄。慄。慄。清涼。增歛。清。清。冷。冷。愈病。析醒。發明耳。目。甯體。  
使人。此所謂大王之雄風也。王曰。善哉。論事。夫庶人之風。  
豈可聞乎。宋玉對曰。夫庶人之風。塤然起於窮巷之間。墉  
堞。揚塵。勃鬱。煩冤。衝孔竇。門動沙。堞吹死灰。駭溷濁。揚腐  
餘邪。薄人。鬻。鬻。至於室廬。故其風中人。狀直慄。溷濁。鬻。鬻。毆  
溫。致溼。中心慘怛。生病造熱。中脣爲脰。得目爲瞶。啗。齟。嗽。  
獲生死。不卒。此所謂庶人之雌風也。

宋玉高唐賦。

昔者楚襄王與宋玉游於雲夢之臺。望高唐之觀。其上獨  
有雲氣。曄曄兮。直上忽兮。改容須臾之間。變化無窮。王問玉  
曰。此何氣也。玉對曰。所謂朝雲者也。王曰。何謂朝雲。玉曰。  
昔者先王嘗游高唐。怠而晝寢。夢見一婦人。曰。妾巫山之

女也爲高唐之客聞君游高唐願薦枕席王因幸之去而  
辭曰妾在巫山之陽高邱之岨且爲朝雲暮爲行雨朝朝  
暮暮陽臺之下旦朝視之如言故爲立廟號曰朝雲王曰  
朝雲始出狀若何也玉對曰其始出也晢兮若松楸其少  
進也晰兮若姣姬揚袂鄣日而望所思忽兮改容偁兮若  
駕騶馬建羽旗湫兮如風淒兮如雨風止雨霽雲無處所  
王曰寡人方今可以游乎玉曰可王曰其何如矣玉曰高  
矣顯矣臨望遠矣廣矣普矣萬物祖矣上屬於天下見於  
淵珍怪奇偉不可稱論王曰試爲寡人賦之玉曰唯唯惟  
高唐之大體兮殊無物類之可儀比巫山赫其無疇兮道  
互折而曾累登巉巖而下望兮臨大隄之穠水遇天雨之  
新霽兮觀百谷之俱集潏洶洶其無聲兮潰淡淡而並入  
滂洋洋而四施兮翳湛湛而弗止長風至而波起兮若麗

山之孤歟。勢薄岸而相擊。今隘交引而却。會粹中怒而特。  
高兮若浮海而望碣石。礫礫礫而相摩。今嶸震天之磕磕。  
巨石溺溺之灑灑。今沫潼潼而高厲。水澹澹而盤紆。今洪  
波淫淫之溶溶。奔揚踊而相擊。今雲興聲之霈霈。猛獸驚  
而跳駭。今妄奔走而馳邁。虎豹豺兕失氣。恐喙鵬鶚鷹鷂。  
飛揚伏竄。股戰脅息。安敢妄挾於是。水蟲盡暴。乘渚之陽。  
祖龍鯨鮪交積。縱橫振鱗奮翼。蜚蜚蜿蜿中阪遙望。元木  
冬榮煌煌熒熒奪人目。精爛兮若列星。會不可殫形。榛林  
鬱盛葩華。覆蓋雙椅垂房。糾枝還會。徙靡澹淡。隨波闌謫。  
東西施翼。倚狔豐沛。綠葉紫裏。朱莖白蒂。纖條悲鳴。聲似  
竿籟。清濁相和。五變四會。感心動耳。迴腸傷氣。孤子寡婦  
寒心酸鼻。長吏隳官。賢士失志。愁思無已。歎息垂淚。登高  
遠望。使人心瘁。盤岸巖巖。屹屹振陳。磴磴盤石。險峻傾崎。崖隤

巖。岨。參。差。縱。橫。相。迫。陬。互。橫。梧。背。穴。偃。蹠。交。加。累。積。重。疊。  
增。益。狀。似。低。柱。在。巫。山。之。下。仰。視。山。巔。肅。何。芊。芊。炫。耀。虹。  
蜺。俯。視。峭。嶭。室。寥。窈。冥。不。見。其。底。虛。聞。松。聲。傾。岸。洋。洋。立。  
而。熊。經。久。而。不。去。足。盡。汗。出。悠。悠。忽。忽。怛。悵。自。失。使。人。心。  
動。無。故。自。恐。資。育。之。斷。不。能。爲。勇。卒。愕。異。物。不。知。所。出。繼。  
繼。莘。莘。若。生。於。鬼。若。出。於。神。狀。似。走。獸。或。象。飛。禽。譎。詭。奇。  
偉。不。可。究。陳。上。至。觀。側。地。蓋。底。平。箕。踵。漫。衍。芳。草。羅。生。秋。  
蘭。茝。蕙。江。蘼。載。菁。青。荃。射。干。揭。車。苞。弁。薄。草。靡。靡。聯。延。天。  
天。越。香。掩。掩。衆。雀。嗷。嗷。雌。雄。相。失。哀。鳴。相。號。王。雉。鵬。黃。正。  
冥。楚。鳩。姊。歸。思。婦。垂。雞。高。巢。其。鳴。喈。喈。當。年。遨。游。更。唱。迭。  
和。赴。曲。隨。流。有。方。之。士。羨。門。高。谿。上。成。鬱。林。公。樂。聚。穀。進。  
純。犧。禱。璇。室。醺。諸。神。禮。太。一。傳。祝。已。具。言。辭。已。畢。王。乃。乘。  
玉。輿。駟。蒼。螭。垂。旒。旒。旆。合。諸。紉。大。紘。而。雅。聲。流。冽。風。過。而。

增悲哀於是調謳令人憊悵慙悽脅息增歛於是乃縱獵者基址如星傳言羽獵銜枚無聲弓弩不發罕罕不傾涉滌滌馳萃萃飛鳥未及起走獸未及發阻節奄忽蹄足灑血舉功先得獲車已實王將欲往見之必先齋戒差時擇日簡輿元服建雲旆蜺爲旌翠爲蓋風起雨止千里而逝蓋發蒙往自會思萬方憂國害開賢聖輔不逮九竅通鬱精神察滯延年益壽千萬歲

宋玉神女賦。

楚襄王與宋玉游於雲夢之浦使玉賦高唐之事其夜王寢夢與神女遇其狀甚麗王異之明日以白玉玉曰其夢若何王對曰晡夕之後精神悅忽若有所喜紛紛擾擾不知何意目色粲粲乍若有記見一婦人狀甚奇異寐而夢之寤不自識罔今不樂悵爾失志於是撫心定氣復見所

夢三曰狀何如也王曰茂矣美矣諸好備矣盛矣麗矣難  
測究矣上古旣無世所未見環姿偉態不可勝讚其始來  
也耀乎若白日初出照屋梁其少進也皎若明月舒其光  
須臾之間美貌橫生耀今如花溫乎如瑩五色並馳不可  
殫形詳而視之奪人目精其盛飾也則羅紈綺縠盛文章  
極服妙采照萬方振繡衣被袿裳禮不短纖不長步裔裔  
今曜殿堂忽兮改容婉若游龍乘雲翔嬋被服悅薄裝沐  
蘭澤含芳性和適宜侍旁順序卑調心腸王曰若此盛  
矣試爲寡人賦之玉曰唯唯夫何神女之姣麗兮合陰陽  
之涯飾被華藻之可好兮若翡翠之奮翼其象無雙其美  
無極毛嬙鄒袂不足程式西施掩面比之無色近之旣妖  
遠之有望骨法多奇應君之相視之盈目孰者克尙私心  
獨悅樂之無量交希恩疏不可盡暢他人莫覩王覽其狀

其狀綦綦何可極言貌豐盈以莊妹兮苞溫潤之玉顏  
子炯其精朗兮瞭多美而可觀眉聯娟以蛾揚兮朱脣的  
其若丹素質幹之醴實兮志解泰而體閒旣婉嫕於幽靜  
兮又婆娑乎人間宜高殿以廣意兮翼放縱而綽寬動霧  
縠以徐步兮拂墀聲之珊珊望余帷而延視兮若流波之  
將瀾奮長袖以正衽兮立躑躅而不安愴清靜其情嫵兮  
性沈詳而不煩時容與以微動兮志未可乎得原意似近  
而旣遠兮若將來而復旋余憐而請御兮願盡心之倦  
倦懷貞亮之潔清兮卒與我乎相難陳嘉辭而云對兮吐  
芬芳其若蘭精交結以來往兮心凱康以樂歡神獨亨而  
未結兮魂熒熒以無端含然諾其不分兮喟揚音而哀嘆  
頰薄怒以自持兮曾不可乎犯干於是搖珮飾鳴玉鸞整  
衣服斂容顏顧女師命太傅歡情未接將辭而去遷延引



身不可親附似逝未行中若相首目略微眄精彩相授志態橫出不可勝記意離未絕神心怖覆禮不遑訖辭不及究願假須臾與神女稱遽迴腸傷氣顛倒失據聞然而冥忽不知處情獨私懷誰者可語惆悵垂涕求之至曙

宋玉登徒子好色賦。

大夫登徒子侍於楚襄王短宋玉曰玉爲人體貌閒麗口多微辭又性好色願王勿與出人後宮王以登徒子之言問於宋玉玉曰體貌閒麗所受於天也口多微辭所學於師也至於好色臣無有也王曰子不好色亦有說乎有說則止無說則退玉曰天下之佳人莫若楚國楚國之麗者莫若臣里臣里之美者莫若臣東家之子臣東家之子增之一分則太長減之一分則太短著粉則太白施朱則太赤眉如翠羽肌如白雪腰如束素齒如含貝嫣然一笑惑

陽城迷下蔡然此女登牆闕臣三年至今未許也登徒子  
則不然其妻蓬頭攣耳齟齬歷齒旁行踳僂又疥且痔登  
徒子悅之使有五子王孰察之誰爲好色者矣是時秦章  
華大夫在側因進而稱曰今夫宋玉盛稱鄰之女以爲美  
色愚亂之邪臣自以爲守德謂不如彼矣言玉之意以爲  
美色必能愚亂  
人邪臣之守德尙  
不至如彼所應也且夫南楚窮巷之妾焉足爲大王言乎  
若臣之陋目所曾覩者未敢云也王曰試爲寡人說之大  
夫曰唯唯臣少曾遠游周覽九土足歷五都出咸陽熙邯  
鄲從容鄭衛溱洧之間是時向春之末迎夏之陽鵲鴈喈  
喈羣女出桑此郊之姝華色含光體美容冶不待飾裝臣  
觀其麗者因稱詩曰遵大路兮攢子祛贈以芳華辭甚妙  
於是處子悅若有望而不來忽若有來而不見意密體疏  
俯仰異觀含喜微笑竊視流眄復稱詩曰寤春風兮發鮮

榮潔齋侯兮惠音聲贈我如此兮不如無生因遷延而辭  
避蓋徒以微辭相感動精神相依憑日欲其顏心顧其義  
揚詩守禮終不過差故足稱也於是楚王稱善宋玉遂不  
退

宋玉對楚王問○○○

楚襄王問於宋玉曰先生其有遺行與何士民衆庶不譽  
之甚也宋玉對曰唯然有之願大王寬其罪使得畢其辭  
客有歌於郢中者其始曰下里巴人國中屬而和者數千  
人其爲陽阿薳露國中屬而和者數百人其爲陽春白雪  
國中屬而和者數十人引商刻羽雜以流徵國中屬而和  
者不過數人而已是其曲彌高其和彌寡故鳥有鳳而魚  
有鯢鳳皇上擊九千里絕雲霓負蒼天翱翔乎杳冥之上  
夫蕃籬之鷄豈能與之料天地之高哉鯢魚朝發於崑崙

之墟暴殫於碣石暮宿於孟諸夫尺澤之鯢豈能與之量  
江海之大哉故非獨鳥有鳳而魚有鯢也士亦有之夫聖  
人瑰意琦行超然獨處世俗之民又安知臣之所爲哉  
景差大招。

青春受謝白日昭只春氣奮發萬物遽只冥陵浹行魂無  
迹只魂魄歸徠無遠遙只魂乎歸徠無東無西無南無北  
只東有大海溺水激激只螭龍並流上下悠悠只霧雨淫  
淫白皓膠只魂乎無東湯谷寂寥只魂乎無南南有炎火  
千里蝮蛇蜒只山林險隘虎豹蜿只鰐鱗短狐王虺騫只  
魂乎無南蜮傷躬只魂乎無西西方流沙漭洋洋只豕首  
縱目被髮鬖只長爪踞牙談笑狂只魂乎無西多害傷只  
魂乎無北北有寒山連龍施只代水不可涉深不可測只  
天白顚顚寒凝凝只魂乎無往盈北極只魂魄歸徠閒以

靜只自恣荆楚安以定只逞志究欲心意安只窮身永樂  
年壽延只魂乎歸徠樂不可言只五穀六仞設菰粱只鼎  
臠盈望和致芳只內鵠鵠鵠味豹羹只魂乎歸徠恣所嘗  
只鮮蠨甘雞和楚醕只醢豚苦狗膾苴蓴只吳酸蒿蕞不  
沾薄只魂乎歸徠恣所擇只炙鵠烝鳧黏鷄臠只煎鱖臠  
雀遠爽存只魂乎歸徠麗以先只四酎并孰不醢嗑只清  
馨陳歆不歇役只萬鳥云禾役穰穰毛傳云役列也不吳  
醴白蘘和楚滌只魂乎歸徠不遠暢只代秦鄭衛鳴竽張  
只伏戲駕辯楚勞商只謳和揚阿趙蕭倡只魂乎歸徠定  
空桑只二人接武投詩賦只叩鐘調磬娛人亂只四上競  
氣極聲變只魂乎歸徠聽歌謠只朱脣皓齒嬋以媵只比  
德安閒習以都只豐肉微骨調以娛只魂乎歸徠安以舒  
只媵日宜笑娥睂曼只容則秀雅穉朱顏只魂乎歸徠靜

以安只姱修滂浩麗以佳只曾頰倚耳曲眉規只滂心綽  
態姱麗施只小腰秀頸若鮮卑只魂乎歸徠思怨移只易  
中利心以動作只粉白黛黑施芳澤只長袂拂面善留客  
只魂乎歸徠以娛昔只青色直睂美目嫵只靨輔奇牙宜  
笑嫵只豐肉微骨體便娟只魂乎歸徠恣所便只夏屋廣  
大沙堂秀只南房小壇觀絕霑只曲屋步櫺宜擾畜只騰  
駕步游獵春囿只瓊轂錯衡英華假只菹蘭桂樹鬱彌路  
只魂乎歸徠恣志慮只孔雀盈園畜鸞皇只鵠鴻羣晨維  
鵠鵠只鴻鵠代游曼鵠鵠只魂乎歸徠鳳皇翔只曼澤怡  
而血氣盛只永宜厥身保壽命只室家盈庭爵祿盛只魂  
乎歸徠居室定只接徑千里出若雲只三圭重侯聽頰神  
只蓋塢云出若雲言其車騎從官之盛莊子讓王延之察  
以三旌之位司馬彪本作三旌云諸侯三卿執珪  
篤天隱孤寡存只魂乎歸徠正始昆只田邑千畛人阜昌

只美冒衆流德澤章只先威後文善美明只魂乎歸徠賞  
罰當只名聲若日照四海只德譽配天萬民理只北至幽  
陵南交趾只西薄羊腸東窮海只魂乎歸徠尙賢士只發  
政獻行禁苛暴只舉傑壓陞蓋塢云俊傑光輔本朝誅讖  
殿陞之間如待以鎮壓  
罷只直羸在位近禹麾只蓋塢云呂覽求生篇禹治水得  
陶化益直窺橫革之交荀子威  
用得益泉陶橫革直成爲輔戰國策  
禹有五丞此直羸卽五丞之二也豪傑執政流澤施只  
魂乎歸徠國家爲只雄雄赫赫天德明只三公穆穆登降  
堂只諸侯畢極立九卿只昭質旣設大侯張只執弓挾矢  
揖辭讓只魂乎歸徠尙三王只  
楚人以弋說楚王○○○

楚人有好以弱弓微繳加歸雁之上者頃襄王聞召而問  
之對曰小臣之好射騏雁羅鷺小矢之發也何足爲大王  
道也且稱楚之大因大王之賢所弋非直此也昔者三王

以弋道德五霸以弋戰國故秦魏燕趙者騏驎也齊魯韓  
衛者青首也鄒費邾邳者羅鷲也外其餘則不足弋者見  
鳥六雙以王何取王何不以聖人爲弓以勇士爲繳時張  
而射之此六雙可得而囊載也其樂非特朝夕之樂也其  
獲非特鳬雁之實也王朝張弓而射魏之大梁之南加其  
右臂而徑屬之於韓則中國之路絕而上蔡之郡壞矣還  
射圉之東解魏左肘而外擊定陶則魏之東外棄而大宋  
方與二郡者舉矣且魏斷二臂顛越矣膺擊鄒國大梁可  
得而有也王請繳蘭臺飲馬西河定魏大梁此一發之樂  
也若王之於弋誠好而不厭則出寶弓落新繳射噉鳥於  
東海還蓋長城以爲防朝射東莒夕發涇邱夜加卽墨顧  
據午道則長城之東收而大山之北舉矣西結境於趙而  
北達於燕三國布張則從不待約而可成也北游目於燕



之遼東而南登望於越之會稽此再發之樂也若夫泗上  
十二諸侯左縈而右拂之可一旦而盡也今秦破韓以爲  
長憂得列城而不敢守也伐魏而無功擊趙顧病則秦魏  
之勇力屈矣楚之故地漢中折郢可得而復有也王出寶  
弓鑿新繳涉鄢塞而待秦之倦也山東河內可得而一也  
勞民休衆南面稱王矣故曰秦爲大鳥負海內而處東面  
而立左臂據趙之西南右臂傅楚鄢郢膺擊韓魏垂頭中  
國處旣形便勢有地利奮翼鼓軀方三千里則秦未可得  
獨招而夜射也欲以激怒襄王故對以此言襄王因召與  
語遂言曰夫先王爲秦所欺而客死於外怨莫大焉今以  
匹夫有怨尚有報萬乘白公子胥是也今楚之地方五千  
里帶甲百萬猶足以踴躍中野也而坐受困臣竊爲大王  
弗取也於是頃襄王遣使於諸侯復爲從欲以伐秦

宋玉對楚王東方客難同類並是設辭乃太

史公儲先生劉子政悉載敘之以爲事實爲失其旨矣

百里哉。王獨不見夫蜻蛉乎？六足四翼，飛翔乎天地之間。

俛啄。齋。蜜。而食之。仰承。甘露。而飲之。自以爲無患。與人無  
爭也。不知夫五尺童子。方將調飴。膠絲。加己乎四仞之上。  
而下爲螻蟻食也。夫蜻蛉其小者也。黃雀因是以俯噉白  
粒。仰栖茂樹。鼓翅奮翼。自以爲無患。與人無爭也。不知夫  
公子王孫。左挾彈。右攝丸。將加己乎十仞之上。以其類爲  
招。晝游乎茂樹。夕調乎酸鹹。倏忽之間。墜於公子之手。夫  
黃雀其小者也。黃鵠因是以游乎江海。淹乎大沼。俯噉鰥  
鯉。仰嚼蔞蓂。奮其六翮。而凌清風。飄搖乎高翔。自以爲無  
患。與人無爭也。不知夫射者方將修其矰盧。治其繒繳。將  
加己乎百仞之上。被礮礮。引微繳。折清風而抃矣。故晝游  
乎江湖。夕調乎鼎鼐。夫黃鵠其小者也。蔡靈侯之事。因是  
以南游乎高陵。北游乎巫山。飲茹溪之流。食湘波之魚。左  
抱幼妾。右擁嬖女。與之馳騁乎高蔡之中。而不以國家爲

事不知夫子發方受命乎靈土繫己以朱絲而見之也蔡  
靈侯之事其小者也君王之事因是以左州侯右夏侯輶  
從鄢陵君與壽陵君飯封祿之粟而載方府之金與之馳  
騁乎雲夢之中而不以天下國家爲事而不知夫穰侯方  
受命乎秦王填卬塞之內而投己乎卬塞之外襄王聞之  
顏色變作身體戰慄於是乃以執珪而授之爲陽陵君與  
淮北之地

合河蕭氏  
刻梓家塾